



Poesia della Gallina

Eccovi una mia divertente zirudella dedicata alla gallina e al brodo ...

” La Galeina “

Ir mateina la mi nora cla vuliva fè un pò ad brud,
la è andè a tò la chérna da un ma?ler nov e scnusud:

“ Vorrei far na molichina di buon brodo di gallina,
a m’arcmand sgnor macellaio,
bella e tendra senò e un guaio...!”

E ma?ler che la n’cnuseva
a santil e tartajeva
e ogni tent quand che zcuriva,
a sla lengua u s’impunteva

“ La la- lama dét s-sgnora
che la-la vó fè fi-fi-figura
e ma-ma-mala vidrà,
che si-sigur la-la- la farà,
e-e mè a sò cu-cu cunvint,
che a cu-cu cuntentari i parint !”

“ Ah speriamo !” la dis lia
propia dmen cu iè la ?ia,
che è giunta da Messina,
con la voglia di gallina !”

“ Ah si-si, ca-ca cara dona,
i qué avém snò ro-roba bo-bona ...”

E dé dop dreinta a tla pgnata,
la buliva cmè na mata,

fin dal gl'ot a dla mateina
tra i sbarbotli la galeina,
ma la n'éva voja ad còš,
mentre u s'éra spaplè a gl'o?...
l'éra còm pruvè ad fè un fór,
s'un stichin da dint t'un mur.
A mizdé e un quart la nora,
la s'decid da trila fóra,
ma cla bes-cia dura e zala,
la rimbèlza còm na pala
e la vè a fnì pién, pién,
drì la boca de su chén,
che ?archénd ad adentèla,
un sa pió cumè ciapèla,
perché lia la galeina,
la s'arugla tla cuseina,
sòta e tevli drì un canton,
per finì s'un gran rimbèlz, propia dreinta a te scafon
e la ?ia cl'aspiteva sia e bród che galeina,
la s'è ardóta pó a magné un pógn d'ris tla ministreina...

Luciano Monti

[Read More](#)
